

Bygdelista i Austrheim
Hoplandssjøen 74
5943 Austrheim

24. november 2021

Austrheim kommune
Sætremarka 2
5943 Austrheim

Innspel til kommunebudsjett for 2022: Bygdelista ønskjer barnetrygd på toppen, eit løft for sosialpedagogiske tiltak i skulen, styrking av pleie og omsorg og ekstra planmidlar

Sidan Bygdelista i Austrheim ikkje er representert i formannskapet, ønskjer lista på eit tidleg tidspunkt å signalisera nokre av prioriteringane våre i kommunebudsjettet for 2022.

Støre-regjeringa sitt alternative budsjettframlegg vil i forhold til Solberg-regjeringa sitt budsjett bety 1,5 millionar kroner ekstra til skule i Austrheim. Det er lite truleg at budsjettforhandlingar med SV, MDG og Raudt vil svekka denne tildelinga før statsbudsjettet skal til endeleg votering i Stortinget i desember.

Bygdelista ønskjer at den auka potten på 1,5 millionar kroner eller meir vert øyremerkt skulebudsjettet m.a. gjennom følgjande tiltak:

- Minst ein 100 % miljøarbeidarstilling med bachelorgrad i grunnskulen
- Skuleturar for 10. klasse
- Overskytande midlar må øyremerkast tiltak for elevar som treng tilrettelegging anten i høve til det faglege eller sosiale

I tillegg ønskjer Bygdelista at kommunedirektøren ryddar rom for å leggja barnetrygda på toppen av sosialstønaden, ikkje som fråtrekk.

Vi varslar samstundes at vi ønskjer ekstra ressursar til pleie og omsorg. Sektoren er i ein krevjande situasjon med stor personalmangel og hardt press på dei tilsette.

Kommunen skal m.a. utarbeida temaplan mot attgroing og kommunedelplan for naturmangfald. Det er behov form å setja av ekstra midlar til denne planlegginga.

Om finansiering av barnetrygd, ekstra ressursar til pleie og omsorg og ekstra planmidlar ikkje let seg gjera gjennom dagens inntektsrammer eller gjennom utgiftskutt andre stader, må eigedomsskatt vurderast.

Jan Nordø
sekretær
Bygdelista i Austrheim